

Boliviano - Qhispichiy Qilqasqakuna - Salvation Scriptures

Efesios 2:2 imaraykuchus kaypachapi kaq runakunaqa imaynatachus puriykacharqanku ajinallatataqmi qankunaqa puriykacharqankichis, jinallataq mayqin saqra ajayuchus samay chawpipi atiyniyuq kachkan jinataq Diosman mana uyariqunaman kallpachachkan chaypaq munaynintam qankunaqa ruwarqankichis.

Mateo 6:10 Qhapaq suyuyki nuqaykuman jamuchun, munayniykitaq kaypachapi, imaynatachus janaqpachapi junt'akun, ajinata junt'akuchun.

Lucas 22:42 Ajinata nispa: "Tatay, munanki chhikaqa kay ñak'ariyta nuqamanta jithiqarichiway; chaywampas ama nuqapaq munasqaymanjina kachunchu, manachayqa qampaq munayniyki ruwakuchun" –nispa.

Juan 16:7-9 Chaywampas sut'impachapiqa, nuqapaq puripunayqa qankunapaq astawan allinmi. Imaraykuchus mana puripuymen chhikaqa, Sayqatarikuqqa manam qankunawan kuska kanapaq jamuchkanmanchu; chaywampas puripusaq chhikaqa nuqam payman qankunawan kuska kanampaq kachamusaq. 8 Jayk'aqchus pay jamunqa chhikaqa, kaypacha runakunaman pikaqtaq jucharara kachkan, pikaqtaq mana juchayuq kachkan, jinataq pitaq Diospaq juchanchayninta jap'iyan chaykunata sut'intam rikuchinqa. 9 Pikaqtaq jucharara: nuqapi mana iyaw niqqaqmi juchararaqa;

2 Timoteo 2:10 Chayraykum tukuy pikunatachus Dios ajllikuchkan chaykunapaq allimpi kanankurayku ñak'arichkani, ajinamanta paykunaqa Cristo Jesuspi qhispichiyta jinataq imachus wiñayapaq athunchasqa kay kachkan chayta taripanankupaq.

Romanos 15:20,21 Chaywampas may chhikakunapichus Cristomanta jayk'aqpas mana uyarikurqanchu chay chhikakunamampunim sumaq willaykunata willaq puriyta munaq karqani, ajinamanta wajkunapaq qallaykusqankuman ama purqatanaypaq, 21 manachayqa imaynatachus Qilqasqakunapi nichkan chaymanjina ruwanaypaq: "Pikunachus mana jayk'aqpas paymanta rimaqta yacharqanku chaykunam rikunqaku; mana jayk'aqpas paymanta uyarirqanku chaykunataq yuwaywan jap'iyanqaku" – nispa.

Hechos 2:36,37 "Tukuy Israel suyupi kawsakuqkuna sut'inta yachaychis, kay kikin Jesusman pimanchus qankuna chakataykurqankichis chaymanmi Diosqa Tataman jinataq Mesiasman tukuchin." –Nispam Pedroqa nirqan.

37 Jayk'aqchus chay chhikapi tantasqa kachkarqanku chay runakuna uyarirqanku chhikataq, anchatapunim llakirikupurqanku, jinaspataq

Pedroman waj kachasqakunamanpiwan ajinata tapurirqanku: –Wawqikuna, ¿Ima ruwanaykutaq kanmanri? –Nispa.

Hebreos 4:2 Imaraykuchus nuqanchisqa, imaynatachus Egipto llaqtamanta lluqsimuchkarqanku chay israelitakunajinallataqmi sumaq willaykunapaq willayninta jap'iqrqanchisqa. Chaywampas paykunapaqqa chay willay jap'iqasqankuqa manam imapaqpas allinchu kachkarqan, imaraykuchus paykunaqa manam chay willayman iyaw nirqankuchu.

Jeremías 24:7 - Mateo 22:37 Jesustaq payman ajinata nirqan: –‘Dios Tataykita tukuy sunquykiwan, tukuy kawsayniykiwan jinataq tukuy yuwayniykiwan munakuy.’

Hechos 16:14 Paykunamanta ujkaq Lidia sutiyuq karqan; paytaq Tiatira llaqtamanta karqan jinaspataq achkha chaniyuq puka awasqakuna ranqana qhatuyuqmi karqan. Kay Diosman yupaychaq warmimanqa, Pablopaq rimasqantam uyarichkarqan, paymantaq tukuy yuwayninta churanampaqmi Apu Tataqa sunquanta wisq'ararqan.

Mateo 13:14-16 Ajinamantam paykunajawamanta Diospaq sutimpi willaq Isaiaspaq willasqanqa junt'akun: “Uyarichkaspas manam yuwaywan jap'iqayta atinqakuchu, qhawachkaspas manam rikunqakuchu. 15 Imaraykuchus kay runakunapaq sunqunkunaqa rumimanjina tukusqam kapun, ninrinkunatapas lluphaykusqatam kachinku, jinataq ñawinkunatapas ch'irmiykusqatam kachillankutaq, imaraykuchus paykunaqa manam rikuytapas, uyariytapas munankuchu, ajinamanta yuwaywan mana jap'iqanapaq, nuqaman mana kutirimunankupaq jinataq paykunaman mana alliyachinaypaq –nispa.” 16 “Chaywampas qankunaqa kusikuuniyuqmi kankichis, imaraykuchus rikuq ñawiyuq kankichis jinataq uyarikuq ninriyuqmi kankichis.

Isaías 6:9,10 - Hechos 28:27 Imaraykuchus kay llaqtapaq umanqa t'uqpirasqa, ninrinkunataqa lluphaykusqata kachinku, ñawinkunatapas ch'irmiykusqa ama rikunankupaq, ama uyarinankupaq, jinataq ama yuwaywan jap'iqanankupaq; ajinamanta nuqaman ama kutirkunankupaq, nuqataq paykunaman alliyachinaypaq’ –nispa.

Marcos 4:11,12 Jesustaq paykunaman ajinata jaynirqan: “Qankunaman Diosqa qhapaq suyunmanta sut'iman churaspm rikuchisunkichis; chaywampas jawaniqpi kachkanku chaykunakaqmanqa, rijch'anachiykunata churaspm yachachini, 12 imaraykuchus qhawachkaqtinkupas mana rikunankupaq, uyarichkaqtinkupas mana yuwaywan yachaqanankupaq, ajinamanta Diosman ama kutirimunankupaq, jinataq juchankupas paywan mana pampachasqa kanampaq.”

Juan 12:39,40 Ajinaqa manam iyaw niyta atirqankuchu, chayraykum Isaiaspqa ajinata qilqallarqantaq: 40 “Diosmi ñawinkunata wisq'aykun jinataq

rumimanmi sunqunkunatapas tukuchipun, ajinamanta ñawinkunaqa mana rikunankupaq jinataq sunqunkunawampas mana jap'iqanankupaq; ajinamanta nuqaman mana kutirimunankupaq jinataq nuqawan mana alliyachisqa kanankupaq."

Romanos 11:7,8 ¿Chhikaqa imatataq kaymanta jurqusunri? Israelitakunaqa manam imatachus maskachkarqanku chaytaqa tariparqankuchu, chaywampas pikunatachus Diosqa ajllikurqan chaykunakaqqqa taripankum. Wakinkunakaqtaq imaynatachus 8 Qilqasqakunapi nichkan ajinamanjinam sunqunku rumiyachisqa kapurqanku: "Diosqa ajayuniqpim paykunataqa rumi sunquyuqta tukuchipurqan, jinaspataq ajinam kunan p'unchaykunakama kapunku; paykunamanqa mana rikuq ñawikunata jinataq mana uyarikuq ninrikunatam qun" –nispa.

2 Tesalonicsenses 2:10,11 Jinaspataq imaymana llulla ruwaykunawanmi pikunachus juchanchasqa kachkanqaku chaykunaman sallqaykunqa, imaraykuchus paykunaqa manam qhispihiy jap'iqayta jinataq imachus chiqan kachkan chay munakuya munachkarqankuchu. 11 Chayraykum Diosqa paykunapaq pantachiywan sallqaykuchikunankuta jinataq imachus llulla kachkan chaypi iyaw ninankupaq saqin.

Mateo 13:18-23 "Uyariychis, chay tarpuq runamanta rijch'anachiyqa, imaniytataq munan chayta: 19 Pikunachus Diospaq qhapaq suyumpaq willayninta uyarinku jinaspa manataq yuwaywan jap'iqachkanku chaykunaqa, ñampi chayaq mujukunaman rijch'akunku; supay jamun jinaspataq chay sunqumpi tarpusqa willaykunata qichupun. 20 Rumi chawpiman chayaq mujukunataq, pikunachus uyarinku jinaspataq chay willayta sumaqta jap'iqanku, 21 mana sumaq saphiyuq kasqankuraykutaq, manam sumaqta sayarikunkuchu; jayk'aqchus chay willayrayku ima yanariykunapas, qatiykachachikuykunapas kan chhikaqa usqhayllatam qhipaniqman kutiripunku, chaykunataq chayman rijch'akunku. 22 Khichkha ukhuman chayaq mujukunaqa, chay sumaq willayta uyarispa, kaypacha kaqniyuq kanamanta jinataq qulqimantawan anchata llakikuyta qallaripunku, chaykunaman chay mujuqa rijch'akullantaq. Tukuy chay llakiykunam sumaq willaykuna jap'iqasqanta mikirqupun, jinaspataq manam uriqta saqinchu. 23 Chaywampas sumaq jallp'api tarpusqa mujukunakaqqqa, pikunachus Diospaq willayninkunata uyarinku jinaspataq yuwaywan jap'iqanku ajinamanta allin urikunata urinku, chaymanmi rijch'akunku, imaynatachus sapa uj mujumanta pachajta, suqta chunkata, kimsa chunkata ima urinku."

2 Corintios 3:15,16 Kunan p'unchaykamapas, jayk'aqchus Moisespaq p'anqankunata ñawirinku chhikaqa, yuwayninkuqa qataykusqajinam pakapi kakuchkan. 16 Chaywampas jayk'aqchus uj runaqa Apu Tataman

kutirimpun chhikaqa, chay pakaykusqa kachkan chayqa sut'imanmi rikuchikupun.

Oseas 11:3-7 - Mateo 11:28-30 Tukuy pikunachus llank'anaykichismanta jinataq q'ipiykichismanta sayk'usqa kankichis chaykunaqa nuqaman jamuychis, nuqam qankunata samararichisqaykichis. 29 Ima q'ipitachus apanaykichispaq churaykichis chayta jap'iqakuychis, jinataq nuqamanta yachaqakuychis, imaraykuchus nuqaqa llamp'u jinataq sumaq sunquyuqmi kani; ajinamantam samarayta taripankichis. 30 Imaraykuchus churachkaykichis chay q'ipiqa, manam ancha llasachu kachkan, jasallam apanaqa.

Hechos 26:18 Paykunaman ñawinkunata wisq'aramunaykipaq, amaña laqa ch'amakapi kapunankupaq, manachayqa k'anchaypi puriykachapunankupaq kachayki; amaña Supaypaq atiyninwan apaykachasqa puriykachanankupaq, manachayqa Diosman qatinankupaq; jinataq nuqapi iyaw ninankupaq, ajinamanta juchakuna pampachayta jinataq Diospaq ch'uwa llaqtampi uj tutita jap'iqanankupaq kachayki' –nispa.

2 Timoteo 2:24-26 Imaraykuchus Apu Tatapaq uj jaywaqninqa manam maqanakuykunapi puriykachachkanmanchu, manachayqa tukuywan sumaq runamanta riqsisqam kanan. Yachachinapaq may kusam kanan jinataq llamp'u sunquyuqmi kanan. 25 Mana uyarikuqkunaman yachachinki chhikataq llamp'u sunquwan yachachiy. Chayjinamantam Diosqa paykunapaq payman kutirimunankuta jinataq chiqan rimaykunata riqsichinman. 26 Chhikam paykunaqa supaypaq sipitanman jalaykusqankuta yuwatatakunkaku, jinaspataq chay sipitamanta phawarinqaku. Chhikankamaqa supaymi paykunata jap'isqata kachin jinataq paykunawan imachus munasqanta ruwan.

Apocalipsis 3:17-19 Imaraykuchus qanqa qhapaqmi kani, tukuy imapas nuqapaqqa allillanmi kakuchkan, manallataqmi imamantapas pist'achikuchkanichu nispam ninki. Chaywampas uj khuyay, mana imayuq, wajcha, ñawska jinataq q'arapacha kasqaykimantaqa manam riparakuchkankichu. 18 Chayrayku, imachus chiqampi qhapaqyachisunki chayta nuqamanta rantikunawaykipaq kunariyki. P'achallikunaykipaqqa yuraq p'achata nuqamanta rantikuway, ajinamanta chay p'inqay q'arapacha puriykachasqaykita qatqatakunaykipaq, jinataq ñawiyyikunaman churaykukuspa manaña ñawska kanaykipaq uj jumpita rantikullawaytaq. 19 Pikunamanchus nuqa munakuni chaykunamanqa k'amiykuni jinallataq yachachinim. Ajinaqa tukuy sunquykiwan Diosman kutirimpuy.

2 Corintios 7:10 Imaraykuchus Diospaq munayninmanta llakikuyqa, qhispichiy taripanapaq uj kutiriy ñanmanmi pusan, chayraykuqa manam imamanta sunqu nanachikunapas kachkanchu. Chaywampas kaypachapi kaq

Ilakikuykunaqa wañuymanmi pusan.

1 Reyes 18:37 - Dios turned heart back to Dios.

2 Corintios 4:4 Sumaq willaykunaqa Cristopaq athunkayninmantam willawanchis, kikimpachapitaq Cristoqa Diospaq athun kasqantam rikuchillawanchistaq. Chay willaytaq uj k'anchayjinam lliphipimun; chaywampas pikunachus mana iyawniyuq kanku chaykunaqa manam chay k'anchay rikuya atichkankuchu, imaraykuchus Supaymi paykunaman mana rikunankupaq jark'an.

Lucas 8:11-15 Chay rijch'anachiyqa kaytam niyta munan: Mujukunaqa Diospaq willayninkunam; 12 runa ñanman t'akaqakuq mujukunaqa, pikunachus Diospaq willayninkunata sumaqta uyarinku, chaywampas Supay jamuspa sunqunkumanta qichuqapun, ajinamanta mana iyaw ninankupaq jinataq mana qhispisqa kanankupaq, chay runakunamanmi rijch'akunku. 13 Rumi chawpiman t'akaykukuq mujukunataq, pikunachus Diospaq willayninta uyarinku jinaspataq sumaq kusikuywan jap'iqanku, chaywampas manam sumaq saphiykusqachu kanku; uj chhika pachallata iyaw nirinku chhikamantataq ima yanariykunapas kan chhikaqa usqhayllatam pantakupunku, chay runakunamanmi rijch'akunku. 14 Khichkha ukhupi t'akaykukuq mujukunataq, pikunachus uyarinku, chaywampas juch'uymanta juch'uy kaypacha Ilakikuykunawan, qhapaqkaywan, jinataq imaymana yanjakuspa kawsaywan, ajinamanta mana uriyuq kanankama mikirqukupunku, chay runakunamanmi rijch'akunku. 15 Chaywampas sumaq jallp'api tarpusqa mujukunakaqqa, pikunachus Diospaq willayninkunata sumaq sunquwan jinataq usqhayllata uyarinku jinaspa chay willaykunamanjina uyart'akunku, jinaspataq thuruta sayarikuspa sumaq urikunata qunku, chay runakunamanmi rijch'akunku.

Hechos 15:11 Chaymanta niqtimpas nuqanchisqa paykunajinallataqmi Tata Jesuspaq munakuyninmanta qasilla qhispisqa kasqanchista iyaw ninchis – nispa.

Romanos 8:13 Imaraykuchus chaymanjina kawsankichis chhikaqa wañuymanmi chayankichis. Chaywampas Ajayuniqtachus chay pisi kallpa kayninchista wañuchinkichis chhikaqa kawsaytam taripankichis.